

PONOVLJENI POZIV ZA IZRAŽAVANJE INTERESOVANJA

Ovim pozivom stavlja se van snage poziv objavljen 20.6.2016.godine

Bosna i Hercegovina

Modernizacija cesta u Federaciji Bosne i Hercegovine

Kredit br. 8640 IBRD i 82137 EIB

Naziv zadatka: Inženjerske usluge nadzora izgradanje magistralne ceste M-17.3

Neum – Stolac, dionica Stari Neum - Drenovac

Ref. br. BA/FBH/RMP/QCBS/43/S/16

Bosna i Hercegovina je podnijela zahtjev za finansiranje kod Svjetske banke i osigurala kredit od Evropske investicijske banke za finansiranje troškova Modernizacije cesta u Federaciji BiH te namjerava dio sredstava iskoristiti za konsultantske usluge.

Konsultantske usluge (u nastavku "Usluge") uključuju: "Inženjera" (FIDIC, Crvena knjiga, 1999.) čije usluge obuhvaćaju ali nisu ograničene na: nadzor kvalitete, količine i tehnologije izvedenih radova; monitoring okoliša, pripremu i slanje obaveznih izvještaja te druge aktivnosti preporučene Smjernicama za projektiranje, izgradnju, održavanje i nadzor cesta/ Sarajevo 2005./ Svezak IV, Nadzor (www.jpfbih.ba). Cilj konsultantskih usluga je osigurati visoku kvalitetu izgradnje i izvođenje svih radova potpuno u skladu sa inženjerskim projektom i tehničkim specifikacijama opisanim u ugovoru za građevinske radove, kao i to da će izvođač uložiti sve napore kao bi izgradnju implementirao u okviru dogovorene ukupne cijene.

Usluge će se provoditi na sljedećoj dionici kolovoza (2x1) i tunela:

- Izgradnja novog kolovoza na dionici Stari Neum- Oštrovac, L = 2, 4 km i izgradnja tunela Oštrovac 0, 19 km
- Izgradnja cestovne dionice Oštrovac – Broćanac, L = 4, 84 km, Izgradnja ceste
- Izgradnja tunela Žaba, L=0, 975 km (Hutovo)
- Izgradnja ceste, dionica Broćanac - Prapatnica L = 4, 095
- Izgradnja ceste, dionica Hutovo - Cerovica, L = 4,843
- Izgradnja ceste, dionica Cerovica - Stolovi, L = 6,640 km
- Izgradnja ceste, dionica Stolovi – Drenovac, L = 7,120 km

Naručilac će radove na gornjim dionicama dodjeljivati nakon okončanja procesa eksproprijacije. Shodno tome, izvođenje radova na različitim dionicama može biti istovremeno ili u različito i odvojeno vrijeme.

Očekivani period izgradnje je septembar 2016. - septembar 2020., uključujući Period odgovornosti za nedostatke predviđen ugovorima za građevinske radove.

JP Ceste Federacije Bosne i Hercegovine poziva podobne konsultantske kompanije ("Konsultante") da iskažu interesovanje za pružanje Usluga. Zainteresirani Konsultanti trebaju dostaviti podatke kojima dokazuju da posjeduju potrebne kvalifikacije i iskustvo relevantno za pružanje Usluga.

- Organizacija Konsultanta i korporativni kapaciteti.
- Opće i specifično iskustvo Konsultanta na sličnim zadacima.

Kako bi se utvrdile sposobnosti i iskustvo konsultanata koji uđu u uži izbor, informacije koje ovi dostavljaju moraju uključivati sljedeće:

- Izjavu o namjeri sudjelovanja u postupku odabira;
- Podatke o kompaniji: naziv, status, adresu, broj telefona, faksa, e-mail adresu, godinu osnivanja, kontakt osobe zadužene za projekat, revidirane bilanse stanja u posljednjih 5 (pet) godina koji moraju pokazivati stabilnost finansijske situacije aplikanta kao i dugoročnu profitabilnost, broj stalno zaposlenog osoblja i sporadično angažiranih, područja ekspertize;
- Podatke o iskustvu na sličnim poslovima vršenim u posljednjih 5 (pet) godina, uključujući i vrijednost(i) i lokalitet(e) ugovora, broj zaposlenika uključenih u ugovor (e), naziv klijenta (ata), ime partnera zaduženog za provedbu ugovora, izvor(e) finansiranja, vrstu pruženih usluga, datum početka i završetka Ugovora, kratak opis ugovora. Aplikant je u posljednjih pet godina (2011. – 2015.) okončao barem dva slična cestovna projekta u funkciji nadzora /FIDIC Inžinjer, u vrijednosti od minimalno 500.000 EUR po projektu ili više (provisiono prihvaćanje ili izdata potvrda od odgovornosti za nedostatke);
- Oblik udruživanja (podizvođač / konzorcij) za izvršenje ugovora, ovisno o slučaju, i naziv vodeće kompanije. Kao i za vodeće kompanije, isti podaci će biti traženi i za povezanu(e) kompaniju(e). U slučaju JV/ konzorcija, vodeća kompanija mora ispunjavati barem 65% kvalifikacijskih kriterija u smislu općeg i specifičnog iskustva dok ostali partneri moraju ispunjavati barem 25% kvalifikacijskih kriterija u smislu općeg i specifičnog iskustva;
- Popis tekućih zadataka, uključujući datum početka, datum završetka i uključeno osoblje.

Svi zainteresirani konsultanti trebaju obratiti pažnju na član 1.9 Smjernica Svjetske banke: Odabir i angažman konsultanata [temeljem IBRD zajmova i IDA Kredita i Grantova] od strane Zajmoprimaca Svjetske banke, januar 2011, revidirane januar 2014. ("Smjernice za Konsultante"), kojima je difinirana politika Banke o sukobu interesa.

U svrhu bolje kvalifikacije, Konsultanti se mogu udruživati sa drugim kompanijama u formi konzorcija ili pod-konsultantskog odnosa. Svi članovi JV će biti zajednički i pojedinačno odgovorni za ukupan zadatak. Međutim, iskustvo pod-konsultanata neće se razmatrati prilikom razmatranja kompanija za uži izbor.

Konsultant će biti odabran u skladu sa Odabirom na temelju kvalitete i cijene (QCBS), kako je navedeno u Smjernicama za Konsultante.

Savjetujemo Konsultante da svoje Iskaze interesovanja ograniče na 30 strana. Brošure o kompanijama mogu biti dostavljene u formi Aneksa te iste neće biti limitirane brojem od 30 strana.

Dodatne informacije mogu se dobiti putem e-maila: pit@jpcfbih.ba.

Iskaze interesovanja potrebno je predati u pisanom obliku (dva primjerka na engleskom jeziku i jedna elektronska kopija na CD-u) na dole navedenu adresu (lično ili poštom) najkasnije do 18. augusta 2016. godine u koverti sa oznakom "Iskazivanje interesovanja za pružanje Inžinjerskih usluga nadzora izgradnje magistralne ceste M-17.3 Neum - Stolac".

JP Ceste F BiH
Sektor međunarodnih investicija
Terezija 54
71 000 SARAJEVO, BiH
Tel: +387 33 250 378
Fax: +387 33 250 387
E-mail: pit@jpcfbih.ba